



POLITIET

Eg er politikontakt i Nissedal og Drangedal



Politikontakten og det førebyggende arbeidet i kommunen

Som ein del av Nærpolitireforma er det etablert politikontaktar for alle kommunane i landet. Målet er å systematisere og jobbe smartare i det kriminalitetsførebyggende arbeidet.

Politiet er avhengig av eit godt samarbeid med kommunen for å lukkast.

Politikontakten skal saman med den einskilde kommune jobbe med førebyggende politiarbeid lokalt. Politikontakten skal vere uniformert og syte for oppfylging av forpliktande avtaler mellom politi og kommune. Politikontakten skal ha faste møtepunkt i kommunen.

Sør-Aust politidistrikt

Postboks 2073 3103 Tønsberg
Telefon 33 34 44 00.

Følg oss på Politiet.no, Facebook og Twitter

Lensmann Marie Kornmo Enger

Lensmann Marie Kornmo Enger er politikontakt i Nissedal og Drangedal kommune. Ho har vore lensmann i Nissedal sidan august 2015, og i Drangedal sidan nyttår 2017. I tillegg har ho mange kontaktpunkt mot kommunen både knytt til førebyggende arbeid blant born og unge og politiråd. I tillegg til å vera lensmann, jobbar ho også med tilrettelagte avhøyr av born og unge i saker som omhandlar seksuelle overgrep og vald i nære relasjonar. Ho er også trufast nynorskbrukar og kallar det nye politidistriktet Sør-Aust politidistrikt, slik det offisielle nynorsknamnet er....

Kornmo Enger er som oftast å treffe på dagtid; anten på Nissedal lensmannskontor eller på Drangedal lensmannskontor.

Kontaktinfo: Telefon 35 90 64 00, evt mobil nr 48881877, e-post: marie.kornmo.enger@politiet.no

Dette er ein politikontakt

Politikontakten er det daglege kontaktleddet med kommunane, og er rådgjevar innan kriminalitetsførebyggende arbeid.

Etablering av funksjonen politikontakt gjev politiet høve til å styrke fundamentet for førebygging i kommunen. Politikontakt er ein nyoppretta funksjon med mange interessantar.

Førebygging

Hovudoppgåvene til politikontakten er å syte for oppfylging av politiet si nærpolitirolle - eit lokalt forankra politi. Politikontaktane skal gje råd og fylgje opp riktig bruk av kriminalitetsførebyggende metodar og tiltak.

Politikontaktane skal bidra til å få leiinga i lokalt politi og kommunar til å samarbeide og handle heilskapleg.

Politikontaktane skal bidra til at gode samarbeidsavtaler blir etablert og fylgde opp med offentlege styresmakter, næringslivet, interesseorganisasjonar og ulike grupper i kommunen.

Lokalkunnskap

Politikontakten er ein person med god lokalkunnskap - som skal jobbe kunnskapsbasert og målretta.

Mange kommunar har alt mange og gode samhandlingsarenaer med politiet, og politikontakten skal vera drivkrafta i dette samarbeidet. Politikontakten vil fylgje opp og vidareutvikle arbeidet i politiråda og SLT-samarbeid (Samordning av lokale kriminalitetsførebyggende tiltak) for å bidra til ei **felles forståing** for kva mål ein ynskjer å nå. Forpliktande avtaler skal bli fylgde opp, og arbeidet skal evaluerast. Politikontakten skal vere fast medlem av politirådet.